

Ráiteas um Chumhdach Leanaí agus Teimpléad Measúnaithe Riosca

Scoil Lorcáin 14/11/22

Ráiteas um Chumhdach Leanaí

Is bunscoil í Scoil Lorcáin a sholáthraíonn oideachas bunscoile do dhaltaí ó na Naónáin Shóisearacha go Rang a Sé.

De réir cheanglais an Acharta um Thús Áite do Leanaí 2015, Tús Áite do Leanaí: Treoir Náisiúnta um Chosaint agus Leas Leanaí 2017, an Aguisín a ghabhann le Tús Áite do Leanaí (2019), na Nósanna Imeachta um Chosaint Leanaí do Bhunscoileanna agus d'lar-Bhunscoileanna 2017 agus Treoir Tusla maidir leis na Ráitis um Chumhdach Leanaí a ullmhú, chomhaontaigh Bord Bainistíochta Scoil Lorcáin an Ráiteas um Chumhdach Leanaí atá leagtha amach sa doiciméad seo.

- 1 Tá an Bord Bainistíochta tar éis Nósanna Imeachta um Chosaint Leanaí na Roinne do Bhunscoileanna agus d'lar-Bhunscoileanna 2017 a ghlacadh agus déanfaidh sé iad a chur chun feidhme go hiomlán agus gan iad a mhodhnú mar chuid den Ráiteas foriomlán um Chumhdach Leanaí

- 2 Is é Colmán Ó Drisceoil an Teagmhálaí Ainmnithe (TA)

- 3 Is í Eva Ní Mháirtín an Leas-Teagmhálaí Ainmnithe (Leas-TA)

- 4 Aithníonn an Bord Bainistíochta go mbaineann cúinsí cosanta agus leasa leanaí trí gach gné de shaol na scoile agus go gcaithfear iad a léiriú i mbeartais, nósanna imeachta, cleachtais agus gníomhaíochtaí uile na scoile. Comhlíonfaidh an scoil, ina cuid beartas, nósanna imeachta, cleachtais agus gníomhaíochtaí, na prionsabail a leanas maidir le dea-chleachtas i gcosaint agus leas leanaí:

Déanfaidh an scoil an méid a leanas:

- aithneoidh sí go bhfuil cosaint agus leas leanaí thar a bheith tábhachtach, beag beann ar gach breithniú eile;
- comhlíonfaidh sí go hiomlán a hoibleagáidí reachtúla faoin Acht um Thús Áite do Leanaí 2015 agus comhlíonfaidh sí reachtafocht ábhartha eile a bhaineann le cosaint agus leas leanaí;
- comhoibriú go hiomlán leis na húdaráis reachtúla ábhartha maidir le cosaint leanaí agus cursaí leasa;
- cleachtais shábháilte a ghlacadh chun an fhéidearthacht go dtarlódh diobháil nó timpistí do leanaí a íoslaghdu agus chun oibrithe a chosaint ar an ngá le rioscaí

neamhriachtanacha a ghlacadh a d'fhéadfadh iad féin a fhágáil ar oscailt do chuíseamh mí-úsáide nó faillí;

- cleachtas oscailteachta a phorbairt le tuismitheoirí agus rannpháirtíocht tuismitheoirí in oideachas a gcuid leanaí a spreagadh; agus
- urraim iomlán a bheith acu ar cheanglais rúndachta agus iad ag déileáil le cúrsaí maidir le cosaint leanaí.

Comhlionfaidh an scoil na prionsabail thusa freisin maidir le haon scoláire fásta atá faoi leochail speisialta.

5 Tá na nósanna imeachta/bearta seo a leanas i bhfeidhm:

- Maidir le haon bhall fairne atá faoi réir aon imscrúdaithe (cibé mar a thuairiscítear sin) maidir le haon ghníomh, neamhghníomh nó imthoisc i ndáil le leanbh atá ag freastal ar an scoil, comhlíonann an scoil na nósanna imeachta ábhartha atá leagtha amach i gCaibidil 7 de na Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017 agus comhlíonann an scoil na nósanna imeachta araónachta comhaontaithe ábhartha d'fhoireann scoile atá foilsíthe ar shuíomh gréasáin ROS.
- Maidir le roghnú nó earcú fairne agus a n-oiriúnacht chun oibriú le leanaí, comhlíonann an scoil ceanglais reachtúla grinnfhiosrúcháin Achtanna an Bhiúró Náisiúnta Grinnfhiosrúcháin (Leanaí agus Daoine Soghonta) 2012 go 2016 agus comhlíonann an scoil an treoir níos leithne maidir le dualgas cúram a leagtar amach i gciorcláin ghrinnfhiosrúcháin agus earcaiochta Garda a d'fhoilsigh ROS agus atá ar fáil ar shuíomh gréasáin ROS.
- Maidir le faisnéis, agus, nuair is gá, treoir agus oiliúint, a sholáthar don fhoireann i ndáil le tarlú díobhála a shainaithint (mar a shainmhínítear in Acht 2015) tá an méid a leanas déanta ag an scoil-
 - Ø Chuir sí cóip de Ráiteas um Chumhdach Leanaí na scoile ar fáil do gach ball fairne
 - Ø Cíntíonn sí go gcuirtear cóip de Ráiteas um Chumhdach Leanaí na scoile ar fáil do gach ball fairne nua
 - Ø Spreagann sí baill fairne chun leas a bhaint as oiliúint ábhartha
 - Ø Spreagann sí baill an Bhoird Bainistíochta chun leas a bhaint as oiliúint ábhartha
 - Ø Coinníonn an Bord Bainistíochta taifid ar gach oiliúint ar bhaill fairne agus ar bhaill den Bhord
- Maidir le Tusla i ndáil le hábhair inní um chosaint leanaí a thuairisciú, ceanglaítear ar gach duine den phearsanra scoile na nósanna imeachta atá leagtha amach sna Nósanna Imeachta um Chosaint Leanaí do Bhunscoileanna agus d'Iar-Bhunscoileanna

2017 a chomhlíonadh, lena n-áirítear i gcás múinteoirí cláraithe, iad siúd atá sainordaithe chun tuairisciú faoin Acht um Thús Áite do Leanaí 2015.

- Sa scoil seo tá teagmhálaí ainmnithe ceaptha ag an mBord mar an “duine ábhartha” (mar a shainmhínítear san Acht um Thús Áite Leanaí 2015) mar an gcéad phointe teagmhála maidir le ráiteas cosanta leanaí na scoile.
- Is daoine sainordaithe iad na múinteoirí cláraithe ar fad atá fostaithe ag an scoil faoin Acht um Thús Áite do Leanaí 2015.
- De réir an Acharta um Thús Áite do Leanaí 2015 agus san Agusín a ghabhann le Tús Áite do Leanaí (2019), rinne an Bord measúnú ar aon fhéidearthacht díobhála do leanbh agus é nó í ag freastal ar an scoil nó ag glacadh páirte i ngníomhaíochtaí scoile. Tá measúnú scríofa ina leagtar amach na réimsí riosca a sainaithníodh agus nósanna imeachta na scoile chun na rioscaí sin a bhainistiú san áireamh sa Ráiteas um Chumhdach Leanaí.
- Is féidir teacht ar na nósanna imeachta éagsúla dá dtagraítear sa Ráiteas seo ar shuíomh gréasáin ROS nó cuirfear ar fáil iad arna iarraidh sin ag an scoil.

Nóta: Nil an méid thus beartaithe mar liosta uileghabhálach. Áireoidh na Boird Bainistíochta Aonair freisin sa chuid seo cibé nósanna imeachta/bearta eile atá ábhartha don scoil atá i gceist.

- 6 Foilsíodh an ráiteas seo ar shuíomh gréasáin na scoile agus cuireadh ar fáil é do gach ball de phearsanra na scoile, do Chumann na dTuismitheoirí agus don phátrún. Tá sé inrochtana go héasca ag tuismitheoirí agus caomhnóirí ach é a iarraidh. Cuirfear cóip den Ráiteas seo ar fáil do Tusla agus don Roinn má iarrtar sin.
- 7 Déanfar an Ráiteas um Chumhdach Leanaí a athbhreithniú ar bhonn bliantúil nó a luaithe is indéanta tar éis athrú ábhartha a bheith ann in aon ábhar dá dtagraíonn an ráiteas seo.

Ghlac an Bord Bainistíochta an Ráiteas um Chumhdach Leanaí ar an 17/5/2019 [dáta].

Rinne an Bord Bainistíochta athbhreithniú ar an Ráiteas um Chumhdach Leanaí ar an 14/11/22 [an dáta athbhreithnithe is déanaí].

Síniú: J. N. Ógorman

Cathaoirleach an Bhoird Bainistíochta

Síniú: C. Sheehan

An Príomhoide/Rúnaí an Bhoird Bainistíochta

Dáta: 14 Samhain 2022

Dáta:

14 Samhain 2022

Measúnú Riosca um Chumhdach Leanaí

Measúnú Scríofa ar Riosca maidir le [ainm na scoile]

De réir alt 11 den Acht um Thús Áite do Leanaí 2015 agus de réir cheanglas Chaibidil 8 de na Nósanna Imeachta um Chosaint Leanaí do Bhunscoileanna agus d'ilar-Bhunscoileanna 2017, seo a leanas an Measúnú Riosca Scríofa ar [ainm na scoile].

1. Liosta de ghníomhaíochtaí na scoile

Samplaí de Gníomhaíochtaí Scoile

- Teacht isteach agus imeacht na ndaltaí go laethúil
- Sosanna áineasa do dhaltaí
- Teagasc sa seomra ranga
- Teagasc duine le duine
- Tacaíocht foghlama duine le duine
- Comhairleoireacht duine le duine
- Gníomhaíochtaí teagaisc lasmuigh
- Teagasc agus foghlaim ar líne ar bhonn cianda
- Gníomhaíochtaí Spóirt
- Turais scoile
- Turais scoile lena mbaineann fanacht thar oíche
- Úsáid limistéar na leithreas
- Lá Spóirt Bliantúil
- Imeachtaí tiomsaithe airgid ina mbíonn daltaí páirteach
- Úsáid áiseanna lasmuigh den láthair le haghaidh gníomhaíochtaí scoile
 - Cúram leanaí a bhfuil riachtanais speisialta oideachais acu, lena n-áirítear dlúthchúram pearsanta nuair is gá,
 - Cúram a thabhairt d'aon scoláire leochaileach, lena n-áirítear dlúthchúram pearsanta nuair is gá
 - Iompar dúshlánach a bhainistiú i measc daltaí, lena n-áirítear srianadh a úsáid go cuí nuair is gá
 - Bainistíocht ar sholáthar bia agus dí
- Riar Leigheas
- Riarachán ar Gharchabhair
- Soláthar curaclaim maidir le OSPS, OCG, Bheith Sábhálite
- Cosc ar an mbulaíocht agus déileáil léi i measc na ndaltaí
- Pearsanra scoile a oilíúint i gcúrsaí um chosaint leanaí
- Pearsanra seachtrach a úsáid chun cur leis an gcuraclam
 - Pearsanra seachtrach a úsáid chun tacú le spóirt agus le gníomhaíochtaí seach- churaclaim eile

- Cúram do dhaltaí a bhfuil leochaileachtaí/riachtanais shonracha orthu amhail
 - Daltaí mionlaigh eitneacha/imircigh
 - Le haghaidh daoine den lucht taistil.
 - Leanaí leispiacha, aeracha, déghnéasacha nó trasinscneacha (LADT)
 - Daltaí a mheastar a bheith ina LADT
 - Daltaí de chreideamh reiligiúnach mionlaigh
 - Leanaí atá faoi chúram
 - Leanaí ar an gCóras Fógartha um Chosaint Leanaí
 - Leanaí a bhfuil riachtanais mhíochaine acu
 - Pearsanra scoile a earcú lena n-áirítear -
 - Múinteoirí/CRSanna
 - Airíoch/Rúnaí/Glantóirí
 - Cótseálaithe spóirt
 - Teagascóirí Seachtracha/Aoi-Chainteoirí
 - Oibrithe Deonacha/Tuismitheoirí i ngníomhaíochtaí scoile
 - Cuaireoirí/conraitheoirí ar scoil le linn uaireanta scoile
 - Cuaireoirí/conraitheoirí i láthair le linn gníomhaíochtaí tar éis scoile
 - Rannpháirtíocht na ndaltaí i searmanais reiligiúnacha/teagasc reiligiúnach lasmuigh den scoil
- Úsáid Theicneolaíocht na Faisnéise agus Cumarsáide ag daltaí ar scoil, meán shóisialta san áireamh
 - Smachtbhannaí a chur i bhfeidhm faoi Chód lompair na scoile lena n-áirítear daltaí a choinneáil istigh, fóin a choigistiú etc.
 - Scoláirí atá rannpháirteach in eispéireas oibre sa scoil
 - Múinteoirí faoi oiliúint atá ag tabhairt faoi shocrúchán oiliúna ar scoil
 - Físeán/grianghrafadóireacht/meán eile a úsáid chun imeachtaí scoile a thaifeadadh
 - Úsáid áitribh scoile ag eagraíochtaí eile
 - Eagraíocht eile ag úsáid áitribh scoile i rith an lae scoile
 - Club obair bhaile/staidéar tráthnóna

2. Shainaithin an scoil an riosca díobhála a leanas maidir lena gníomhaíochtaí -

Samplaí de Rioscaí Díobhála

- Riosca díobhála nach n-aithníonn pearsanra na scoile
- Riosca gan díobháil a thuairisciú go cuí agus go pras ag pearsanra na scoile
- Riosca go ndéanfadh ball de phearsanra na scoile díobháil do leanbh sa scoil
- An baol go ndéanfadh leanbh eile díobháil do leanbh sa scoil
- An baol go ndéanfadh oibrí deonach nó cuairteoir sa scoil díobháil do leanbh sa scoil
- An baol go ndéanfadh ball de phearsanra na scoile, ball foirne eagraíochta eile nó duine eile díobháil do leanbh agus an leanbh ag glacadh páirte i ggníomhaíochtaí lasmuigh den scoil e.g. turas scoile
- Riosca díobhála mar gheall ar úsáid mhíchuí a bhaint as ardán cumarsáide cianda teagaisc agus foghlama ar líne mar dhuine gan chuireadh ag rochtain an naisc ceachta, daltaí á bhfágáil gan mhaorísiú ar feadh tréimhsí fada ama i seomraí ar leithligh
- Riosca díobhála mar gheall ar bhulaíocht linbh
- Riosca díobhála mar gheall ar chiníochas
- Riosca díobhála mar gheall ar mhaoirseacht neamhleor ar leanaí ar scoil
- Riosca díobhála mar gheall ar mhaoirseacht neamhleor ar leanaí agus iad ag freastal ar ghníomhaíochtaí lasmuigh den scoil
- Riosca díobhála mar gheall ar chaidreamh/cumarsáid mhíchuí idir leanbh agus leanbh nó duine fásta eile
- Riosca díobhála mar gheall ar leanaí rochtain a fháil go míchuí ar ríomhairí, na meáin shóisialta, fón agus gairis eile agus iad ar scoil
- Riosca díobhála do leanaí RSO a bhfuil leocheileachtaí ar leith orthu, lena n- áirítear leocheileachtaí míochaine
- Riosca díobhála do leanbh agus leanbh faoi chúram pearsanta
- Riosca díobhála mar gheall ar chód iompair neamhleor
- Riosca díobhála i gcás teagaisc, comhairleoireachta, cóitseála duine le duine
- Riosca díobhála mar gheall ar bhall de phearsanra scoile cumarsáid a dhéanamh le daltaí ar bhealach míchuí trí na meáin shóisialta, téacsáil, ar ghléas digiteach nó ar bhealach eile

Riosca díobhála de dheasca ball pearsanra scoile rochtain/scaipeadh a dhéanamh ar ábhar míchuí trí na meáin shóisialta, téacsáil, ar ghléas digiteach nó ar bhealach eile.

3. **Tá na nósanna imeachta a leanas i bhfeidhm ag an scoil chun dul aghaidh a thabhairt na rioscaí díobhála a shainaithnítear sa mheasúnacht seo -**

Samplaí de Nósanna Imeachta chun aghaidh a thabhairt ar rioscaí díobhála

- Cuirtear cóip de *Ráiteas um Chumhdach Leanaí* de chuid na scoile ar fáil do phearsanra uile na scoile

- Cuirtear na *Nósanna Imeachta um Chosaint Leanaí do Bhunscoileanna agus d'lar-Bhunscoileanna 2017* ar fáil do phearsanra uile na scoile

- Ceanglaítear ar Phearsanra na *Nósanna Imeachta um Chosaint Leanaí do Bhunscoileanna agus d'lar-Bhunscoileanna 2017* a chomhlíonadh agus éilítear ar gach ball foirne cláraithe an tAcht um Thús Áite do Leanaí 2015 agus an tAguisín a ghabhann leis (2019) a chomhlíonadh

- Cuireann an scoil an Clár maidir le Fanacht Sábháilte chun feidhme go hiomlán

- Cuireann an scoil curaclam OSPS chun feidhme go hiomlán

- Tá Beartas Frithbhulaíochta ag an scoil lena gcomhlíontar go hiomlán riachtanais Pholasaithe na Roinne maidir le *Nósanna Imeachta Frithbhulaíochta do Bhunscoileanna agus d'lar-Bhunscoileanna*

- Tá polasaí maoirseachta clóis/clós súgartha ag an scoil chun maoirseacht chuí ar leanaí a chinntí le linn teacht le chéile, imeacht óna chéile agus le linn sosanna agus maidir le limistéir ar leith amhail leithris, seomraí feistis etc.

- Tá polasaí agus nósanna imeachta soiléire i bhfeidhm ag an scoil maidir le turais scoile

- Tá polasaí sláinte agus sábháilteach ag an scoil

- Comhlíonann an scoil riachtanais na reachtaíochta maidir le grinnfhiosrúcháin Garda agus ciorcláin ábhartha ROS i ndáil le hearcaíocht agus grinnfhiosrúchán Garda.

- Comhlíonann an scoil na nósanna imeachta aráfonachta comhaontaithe don fhoireann teagaisc

- Tá polasaí um Riachtanas Oideachais Speisialta ag an scoil

- Tá beartas/plean maidir le dlúthchúram pearsanta ag an scoil maidir le daltaí a dteastaíonn cúram den sórt sin uathu

- Tá beartas agus nósanna imeachta i bhfeidhm ag an scoil chun cóbair a thabhairt do dhaltaí

- Maidir leis an scoil:

- Chuir sí cóip de Ráiteas um Chumhdach Leanaí na scoile ar fáil do gach ball d'fhoireann na scoile
- Cinntíonn sí go gcuirtear cóip de Ráiteas um Chumhdach Leanaí na scoile ar fáil do gach ball fairne nua
- Spreagann sí baill fairne chun leas a bhaint as oiliúint ábhartha
- Spreagann sí baill an bhoird bainistíochta leas a bhaint as oiliúint ábhartha
- Coinníonn sí taifid ar gach oiliúint fairne agus ball boird
- Tá polasaí agus nósanna imeachta i bhfeidhm ag an scoil chun Garchabhair a riarr
- Tá cód iompair i bhfeidhm ag an scoil do dhaltaí
- Tá Polasaí Úsáide Inghlactha i bhfeidhm ag an scoil, lena n-áirítear soláthar teagaisc agus foghlama ar líne ar bhonn cianda, agus tá an beartas sin curtha in iúl do thuismitheoirí
- Tá beartas i bhfeidhm ag an scoil lena rialaitear úsáid fón chliste agus gairis tábléad sa scoil ag daltaí de réir chiorclán 38/2018
- Tá Plean Bainistíochta um Theagmhais Chriticiúla i bhfeidhm ag an scoil
- Tá polasaí agus nósanna imeachta i bhfeidhm ag an scoil chun daoine seachtracha a úsáid chun seachadadh an churaclaim a fhorlónadh
- Beidh polasaí agus nósanna imeachta i bhfeidhm ag an scoil chun cóitseálaithe spóirt seachtracha a úsáid
- Tá polasaí agus nósanna imeachta soiléire i bhfeidhm ag an scoil le haghaidh gníomhaíochtaí teagaisc duine le duine.
- Beidh polasaí agus nósanna imeachta i bhfeidhm ag an scoil maidir le socrúcháin d'ábhair mhúinteoirí
- Beidh polasaí agus nósanna imeachta i bhfeidhm ag an scoil maidir le mic léinn atá i mbun taithí oibre sa scoil

Nóta Tábhachtach: Ba cheart a thabhairt faoi deara gur ionann riosca i gcomhthéacs an mheasúnaithe riosca seo agus an riosca “dífobhála” mar a shainmhínítear san Acht um Thús Áite do Leanaí 2015 agus ní riosca ginearálta sláinte agus sábháilteachta. Tá an sainmhíniú ar dhíobháil leagtha amach i gCaibid 4 de na Nósanna Imeachta um Chosaint Leanaí do Bhunscoileanna agus d'lar-Bhunscoileanna 2017

Agus an measúnú riosca seo á dhéanamh aige, rinne an bord bainistíochta a dhícheall na rioscaí diobhála atá ábhartha don scoil seo a shainaithint agus a chinntíú go bhfuil nósanna imeachta leordhóthanacha i bhfeidhm chun gach riosca a shainaithnítear a bhainistiú. Cé nach féidir gach riosca diobhála a thuar agus a bhaint, tá na nósanna imeachta atá liostaithe sa mheasúnú riosca seo i bhfeidhm ag an scoil chun riosca a bhainistiú agus a laghdú a mhéad is féidir.

Tá an measúnú riosca seo curtha i gcrích ag an mBord Bainistíochta ar an 14/11/22 [dáta]. Déanfar é a athbhreithniú mar chuid d'athbhreithniú bliantúil na scoile ar a Ráiteas um Chumhdach Leanaí.

Síniú : M. Ni Mhóna Dáta: 14 Samhain 2022

An Cathaoirleach, An Bord Bainistíochta

Síniú : C. Ó Séasail Dáta: 14 Samhain 2022

An Príomhoide/Rúnaí an Bhoird Bainistíochta

Samplaí de ghníomhaíochtaí, rioscaí agus nósanna imeachta

Cuirtear na samplaí atá liostaithe sa doiciméad seo ar fáil chun cabhrú le scoileanna a measúnú riosca a dhéanamh faoin Acht um Thús Áite do Leanaí 2015. Ba chóir do scoileanna a thabhairt faoi deara nach bhfuil sé i gceist go mbeadh an liosta samplaí seo uileghabhálach. Tá sé de fhreagracht ar gach scoil a chinntíú, a mhéad is féidir, go ndéantar aon rioscaí agus nósanna imeachta eile atá ábhartha dá cùinsí áirithe féin a shainaithint agus a shonrú sa mheasúnú riosca i scríbhinn agus go bhfuil nósanna imeachta leordhóthanacha i bhfeidhm chun aghaidh a thabhairt ar gach riosca a shainaithnítear.

Aithnítear go bhfuil réimse beartas, cleachtas agus nósanna imeachta i bhfeidhm cheana féin ag scoileanna chun an riosca diobhála do leanaí a mhaolú agus iad ag glacadh páirte i ggníomhaíochtaí na scoile agus go mbeidh rioscaí diobhála íseal nó íosta ag baint le roinnt gníomhaíochtaí scoile i gcomparáid le gníomhaíochtaí eile. I gcomhthéacs an mheasúnaithe riosca a chaithfidh scoileanna a dhéanamh, tagraítear san Acht um Thús Áite do Leanaí, 2015 do riosca mar "aon fhéidearthacht le haghaidh diobhála". Dá bhí sin, is tábhachtach, mar chuid dá próiseas measúnaithe riosca, go ndéanann gach scoil a gcuid gníomhaíochtaí éagsúla a liostú agus a athbhreithniú (lena n-áireofar iad siúd a bhféadfadh riosca íseal diobhála a bheith ag baint leo a shainaithint chomh maith leo siúd a bhfuil rioscaí diobhála níos airde ag baint leo). Tríd an méid sin a dhéanamh cabhrófar leis an scoil (1) aon rioscaí diobhála a d'fhéadfadh a bheith ann maidir le gníomhaíochtaí na scoile a shainaithint, mar a cheanglaítear faoin Acht um Thús Áite do Leanaí, (2) leordhóthanacht na nósanna imeachta éagsúla atá ann cheana a shainaithint agus a mheas chun na rioscaí diobhála sin a bhainistiú agus (3) aon nósanna imeachta breise a shainaithint agus a chur i bhfeidhm a mheastar a bheith riachtanach chun aon riosca a shainaithnítear a bhainistiú.

Soiléirítear san Aguisín a ghabhann le Tús Áite do Leanaí: Treoir Náisiúnta um Chosaint agus Leas Leanaí a foilsíodh i mí Eanáir 2019 gur cheart d'eagraíochtaí a sholáthraíonn seirbhísí ábhartha do leanaí smaoineamh ar shaincheist shonrach na sábháilteachta ar líne agus a measúnú riosca á dhéanamh acu agus a Ráiteas um Chumhdach Leanaí á ullmhú.

Sa Treoir maidir le Leanúnachas na Scolaíochta tugtar comhairle do bhunscoileanna agus d'iar-bhunscoileanna (Aibreán 2020) maidir leis an tábhacht a bhaineann le múinteoirí úsáid shábháilte agus eiticiúil as an idirlíon a choinneáil le linn na cianfhoghlama agus cabhrú le tuismitheoirí agus caomhnóirí a bheith feasach ar a ról freisin. Ba chóir do scoileanna a chinntíú go gcuireann a mBeartas um Úsáid Inghlactha (BUI) bonn eolais faoi ghníomhaíochtaí cianfhoghlama.

Nóta Tábhachtach: Ba cheart a thabhairt faoi deara gur ionann riosca i gcomhthéacs an mheasúnaithe riosca seo an riosca "díobhála" mar a shainmhínítear é san Acht um Thús Áite do Leanaí, 2015 agus ní mar riosca ginearálta sláinte agus sábháilteachta. Tá an sainmhíniú ar dhíobháil leagtha amach i gcaibidil 4 de na Nósanna Imeachta um Chosaint Leanaí do Bhunscoileanna agus d'iar-Bhunscoileanna 2017.